



Op pad met Iwana...
Die vrou agter die splinternuwe *Leef Lig*-podsendings:
Ds Janine Bevolo-Manders

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Het jy ook onlangs jou Facebook oopgemaak en voor jy jouself kon kry, het jy al amper klaar na al die podsendings van ds Janine Bevolo-Manders gekyk? Jy wou dalk net gou in jou blaaskans geloer het om te sien waarmee almal hulself die afgelope naweek besig gehou het, en daar sit jy aandagtig na die eerste episode *Die geheim van 1%* en luister.



'n Mens kan nie anders as om haar durf en waagmoed om só 'n projek aan te pak, te bewonder nie. Dit vat sommige van ons weke, maande, of selfs jare om konkrete gestalte aan ons drome te gee. Die *Leef Lig*-podsending is 'n bewys dat as jy voel dat daar 'n droom op jou hart geplaas is, moet jy daarop reageer of jy nou gereed voel of nie.

Hierdie droom van ds Janine is vasgepen en gekweek onder die lewensafrigtingsprogram van dr Thinus van Staden van Gemeente Montana. Maar sy het haarself nie die ruimte gegun om daarvoor te begin twyfel nie. Sy het dadelik begin om aan haar eerste probeerslag te werk.

'n Mens word egter vinnig bewus van die harde werk wat só 'n produksie vooruit moet loop. Ligte, kamera, aksie? Dit is toe nie só maklik nie.

Ons laat graag ons fone teen die naaste oppervlakte skuins lê terwyl ons besig is om kos te maak. Dan luister ons na podsendingreekse. Ons kyk so af en toe na die skerm terwyl ons heen en weer loop vir die suiker of die meel. Maar hoeveel van ons het al gestop om te wonder hoeveel moeite in een só 'n produksie gaan? Ds Janine vertel dat dit toe nie net beteken om die rooi opnameknoppie te druk nie! Dit is ure se voorbereiding wat moet plaasvind vir die inhoud wat bespreek word en die redigeerwerk wat daarop volg.

Daarom is dit 'n voorreg om die vrou agter hierdie podsending aan julle voor te stel. Sy is 'n leraar by Gemeente Witfontein, 'n lid van die Kommissie van die Algemene Kerkvergadering, en 'n nuwe podsendingvoorloper in die NHKA. Oor die jare het ds Janine aan haar talente geskaaf en leiding geneem vir nuwe projekte en dinkskrums. Die Kerk was natuurlik aan die ontvangkant hiervan. Haar liefde vir die Hervormde Kerk het in Brakpan onder die leiding van ds Chris van den Bergh begin om te blom. Dié liefde het al hoe duideliker geword tydens haar eerstejaarstudies in die mediese veld en sy het besluit om eerder haar hart te volg en teologie te gaan studeer. Dit is ook tydens haar teologiestudies waar sy haar man ds Jimmy Manders ontmoet het. Dit was die begin van hul paadjie saam. Na afloop van ds Janine se studies het sy as leraar by Gemeentes Wonderboom, Hartbeeshoek, Rustenburg-Tuine en ook Witfontein gedien.

Ons bid haar seën en voorspoed toe vir hierdie opwindende avontuur wat voorlê en sien uit daarna om die groei van haar podsending te aanskou.

Ds Iwana Hartmann
(Pretoria-Oos en NHKA-joernalis)

Lief en leed

- Die Kerk betuig haar innige simpatie met die afsterwe van twee van ons leraars se moeders:
 - **Prof Tanya van Wyk** se ma **Wilna** (75) is verlede Woensdag oorlede. Haar gedenkdiens vind 24 Junie plaas. Belangstellendes kan prof Tanya kontak vir meer besonderhede in verband met die reëlins.
 - **Dr Christo Pretorius** se ma **Alet** (83) is Sondag in Seniordal oorlede. Sy was 'n stil, waardige en pragtige mens.
- **Die volgende predikante verjaar tot 27 Junie 2025, en word hartlik geluk gewens:**
 - Woensdag 18 Junie: Prof EC (Elsabé) Kloppers (emeritus), en ds DJR (Danie) Malan (Johannesburg)
 - Donderdag 19 Junie: Ds W (Willem) de V Sauer (Waterberg)
 - Vrydag 20 Junie: Dr A (Annelie) Botha (dosent/Kempton)
 - Saterdag 21 Junie: Ds HT (Hennie) van der Linde (Vliegepoort)
 - Dinsdag 24 Junie: Ds PJE (Piet) Botha (emeritus /Klerksdorp)
 - Donderdag 26 Junie: Ds Y (Yolande) Kruger (Pretoria-Oos)

Gemeentes en bediening

- **Ds WJJ (Willem) Kok** (emeritus) het 'n beroep na Potchefstroom (deeltyds) ontvang. Hy het die beroep aanvaar en word op 3 Augustus bevestig.
- Die Kommissie van die Algemene Kerkvergadering het by hul gewone vergadering gehou op 5 en 6 Junie 2025 die volgende besluite geneem:
 - Die Kommissie besluit om **me Deirdré van der Merwe** se aansoek om hertoelating tot die evangeliebediening te hanteer en doen navraag oor haar by kerkrade en ringskommissies onder wie se opsig sy vroeër was en tans is.
 - Ringe word aangemoedig om vóór die AKV 'n spesiale geleentheid (desnoods by wyse van videokonferensie) vir predikante en afgevaardigdes te reël waar hulle die **agenda van die AKV** kan bespreek sodra die agenda beskikbaar is.

Werksgeleentheid

HOOF: HERVORMDE TEOLOGIESE KOLLEGE

Die Nederduitsch Hervormde Kerk van Afrika (NHKA) wag aansoeke in vir die pos van **Hoof van die Hervormde Teologiese Kollege** (HTK) wat aan die Universiteit van Pretoria gesetel is. Die pos moet vanaf 1 Januarie 2026 gevul word.

Die volgende sal onder andere van die Hoof van die HTK verwag word:

- Om mentorskap aan HTK-studente te bied ter ondersteuning van hul behoeftes, geestelike en emosionele welstand.
- Om toesig oor effektiewe studente-administrasie te hou om sodoende die nodige ondersteuning in studentwees te bied en om voldoende verslag aan die Kuratorium te kan lewer.
- Om die nodige modules tydig te ontwikkel, gasdosente te werf en self ook lesings aan te bied sodat studente voldoende Kerkspesifieke opleiding ontvang.
- Om voortgesette bedieningsopleiding (VBO) te fasiliteer wat voortgesette teologiese toerusting (VTT) insluit en om die administrasie van die VBO-program te bestuur sodat predikante optimaal vir hul bediening toegerus kan word.
- Om die nodige navorsingsassosiate tydig te werf, self te publiseer en die kostepunt ten opsigte van publikasies te bestuur om sodoende Hervormde teologie te bevorder.
- Om jonger teoloë te werf en as potensiële dosente vir die toekoms te ontwikkel sodat teologiese opleiding in die toekoms verseker kan word.
- Om die HTK in samewerking met die SGB en die Sentrum Reformatoriese Studies uit te bou sodat teologiese opleiding verskans word en praktykkennis uitgebrei word.
- Om goeie betrekkinge met ekumeniese vennote aan die fakulteit te handhaaf sodat ekumeniese bande met Reformatoriese kerke uitgebou kan word.



Ds Willem Kok



Me Deirdré van der Merwe

- Om die visie vir strategiese teologiese opleiding en leierskap vir die toekoms te fasiliteer sodat die Kerk toegerus kan wees in veranderende tye.
- Om die begroting van die HTK in samewerking met die Bedryfshoof (Sinodale Dienssentrum) saam te stel en tydig te bestuur sodat daar verantwoordelik met die toegekende begroting omgegaan word.
- Om jaarliks aan die Kuratorium en Kommissie, en driejaarliks aan die Algemene Kerkvergadering verslag te lewer om behoorlike rekenskap te verseker.
- Ontwikkeling van toerusting van ampsdraers en lidmate.
- Ontwikkeling van bedieningsvaardighede van predikante.
- Skakeling met soortgelyke kolleges en opleidingsentra in die binne- en buiteland; en
- Oorhoofse bestuur van die *THT* in samewerking met die redakteur en redaksie.

Die geskikte kandidaat sal aan die volgende vereistes voldoen:

- 'n Geordende predikant van die NHKA wees;
- Oor 'n doktorsgraad in teologie beskik;
- Moet gesonde en gebalanseerde interpersoonlike verhoudings handhaaf en teologiese studente pastoraal kan begelei;
- Op hoogte wees van die huidige teologiese diskoers en daaraan kan deelneem; en
- Rekenaarvaardig wees.

Aansoekers moet die volgende dokumente indien:

- Volledige CV;
- Gesertifiseerde kopieë van kwalifikasies;
- Name en kontakbesonderhede van twee referente;
- 'n Selfevaluering van hoogstens een bladsy; en
- 'n Visie vir die uitbou van die HTK.

Van kandidate mag verwag word om psigometriese toetsing te deurloop.

Die pos bied die volgende voordele:

- 'n Kontrakaanstelling vir vyf jaar wat na afloop van die termyn hersien word.
- Traktement in lyn met die Kerk se skale.
- Behuisingstoelaag.
- Verlof soos per verlofreglement van predikante in die Kerkorde.
- Motortoelaag.

Aansoeke moet voor of op **31 Julie 2025** ingedien word by: Johan Hattingh (johan@nhk.co.za)

Vergadering

- Dinsdag 24 Junie: Bestuurskomitee
- Vrydag 27 Junie: Beleggingskomitee

Kerklke en ander publikasies



R250

**GESKIEDENIS VAN DIE HERVORMDE KERK
1824-2024**

Ontdek die ryk geskiedenis van die Hervormde Kerk van 1824 tot 2024. Hierdie nuwe publikasie van prof Wim Dreyer bied 'n diepgaande blik op twee eeue van selfstandige kerkwees en die kragtige geloofsband tussen die Hervormde Kerk en die gedeelte geskiedenis van die Afrikaanse susterskerke.

'n Moet-lees vir elkeen wat belangstel in kerkgeskiedenis!

Beskikbaar by mev Sarie Roux by boekwinkel@nhk.co.za

BOEKWINKEL-PROMOSIE

Mag hierdie Gedenkalbum ons opnuut tot dankbaarheid stem - dankbaar teenoor die Here omdat Hy deur sy genade ons toelaat om deel van sy kerk te wees, deel te wees van 'n skare gelowiges wat deur die eeue heen kon sing: 'Loof die Here! Ek wil die Here loof, met alles wat in my is wil ek sy heilige Naam loof. Ek wil die Here loof en nie een van sy weldade vergeet nie....' (Ps. 103:1-2).

Prof Wim Dreyer
(Uittreksel uit die voorwoord)



WAS
R300
NOU
R100

Bestel van mev Sarie Roux by boekwinkel@nhk.co.za

'n Gedig

Winternag

O koud is die windjie
en skraal.
En blink in die dof-lig
en kaal,
so wyd as die Heer se genade,
lê die velde in sterlig en skade.
En hoog in die rande,
versprei in die brande,
is die grassaad aan roere
soos winkende hande.

O treurig die wysie
op die ooswind se maat,
soos die lied van 'n meisie
in haar liefde verlaat.
In elk' grashalm se vou
blink 'n druppel dou,
en vinnig verbleek dit
tot ryp in die kou!

Eugene Marais

www.maroelamedia.co.za/afrikaans/gedigte/gedig-winternag/

Fondsinsamelings

- **Dis weer basartyd!** Laat weet asseblief (taal@nhk.co.za) wanneer ons by julle heerlike pannekoek en basaarpoeding kan kom eet:
 - 27 Junie: Odendaalsrus
 - 26 Julie: Wonderboom
 - 2 Augustus: Pretoria-Oos
- Sluit op **Saterdag 5 Julie om 15:00** by **Gemeente Randburg** aan vir 'n onvergeetlike middag saam met die ikoniese **Nataniël** by **Hoërskool Randburg**. Kaartjies is [hier](#) via Quicket teen R300 per persoon beskikbaar. Kontak ons vir meer inligting by 011 787 4983, admin@nhk-randburg.co.za of besoek ons webwerf [hier](#).
- **Gemeente Kampersrus Hoedspruit** hou op **26 Julie 2025** hul jaarlikse **gholfdag** by Drakensig Gholfbaan. 'n Gelukkige speler wat 'n kolskoot slaan, wen 'n New Holland TT85 Trekker. Daar is baie ander pryse te wen! Teen R4 000 per 4-bal, 4-speler *American*

scramble is dit iets om na uit te sien. Putjiekoste vir borge is R1 500. Daar is ook gratis akkommodasie in 'n gastehuis in Hoedspruit vir die eerste 4-bal en/of 4-bal *American Scramble* wat bespreek en betaal vanaf 'n ander plek as Hoedspruit. (Dit geld slegs vir spelers). Kontak Susan la Grange by 072 636 8001 indien u belangstel.

- Kom kuier saam! **Gemeente Wonderboom** nooi jou hartlik uit na hul **basaar op Saterdag 26 Julie 2025!**

Tyd: 09:00 tot 13:00

Plek: Marjoramlaan 219, Wonderboom

- **Gemeente Pretoria-Oos** nooi jou hartlik uit na hul **KONKA-konsert op 1 Augustus 2025** waar **Corlea Botha en Ruhan du Toit** gaan optree. Kaartjies beloop R200 vir volwassenes en R50 per kind onder die ouderdom van 12 jaar. Kontak gerus die kantoor (012 460 8441) vir verdere inligting.

- **Gemeente Hartebeestpoort** (Brits) bied weer dié jaar hul 3de **Bosveld Mtb op 2 Augustus 2025** aan as 'n fondsinsameling vir die gemeente. Daar is 'n keuse van vyf afstande, naamlik 4 km & 8 km *kiddies ride* 36 km, 91 km en 156 km.

Plek: Brits Vliegveld

Tyd: Begin om 07:00.

Aanlyn inskrywings kan gedoen word. Dié jaar het ons nog meer waterpunte en Bakkies Botha is ons gas vir die dag. Hy gaan self die 91 km doen.

Vir **navrae** kontak: Ds Corlien van der Merwe (083 654 8154), Marcel by Hartebeestpoort kerkkantoor (012 252 4315), Mechiel Ras (072 605 1393) of Mias van der Merwe (083 320 2466). Klik [hier](#) vir meer inligting en inskrywings. Gaan kyk gerus wat sê die vorige deelnemers onder *Testimony* (sic) op die webwerf.

- **Gemeente Pretoria-Oos** nooi jou hartlik uit na hul **basaar** wat op **2 Augustus 2025** plaasvind. Bring jou kinders na die jeugarena terwyl jy lekker rondloop en die verskeie stalletjies soos boeke, pannekoek, plante, en die witolifanttafel geniet! Kontak gerus die kantoor (012 460 8441) vir verdere inligting.

- **Gemeente Randburg** nooi u om 'n middag van hemelse musiek saam met met die internasionaal bekroonde sopraan **Amira Willighagen** op **Sondag 3 Augustus om 14:00 by die Hervormde Kerk Randburg** te beleef. Met haar engelstem en indrukwekkende repertoire beloop hierdie uitvoering om jou siel te roer en jou hart te vul met vreugde. Moenie hierdie unieke geleentheid misloop om een van Suid-Afrika se grootste jong talente lewendig te hoor nie. Bring familie en vriende saam vir 'n onvergeetlike musiek middag in 'n pragtige en inspirerende omgewing. Kaartjies is [hier](#) via Quicket teen R200 per persoon beskikbaar. Kontak ons vir meer inligting by 011 787 4983, admin@nhk-randburg.co.za of besoek ons webwerf [hier](#).

Toerusting



WHT

Konferensie

Nadenke oor die Belydenis van Nicea

Navrae

PROF WIM DREYER
wimdreyer@nhk.co.za



PROF JOHAN VAN DER MERWE
joan.vdmerwe@up.ac.za



DR CHRISTO PRETORIUS
christo@pretoriafm.co.za



DR ANTIONETTE JANSE VAN RENSBURG
antoejvr@gmail.com



-  **NHKA**
Pretoria-Oos
-  **12-13**
Augustus 2025
-  **12 Augustus**
10:00 (Registrasie)
11:00 (Opening en verwelkoming)
-  **R600**
met verversings
enkelsessies gratis (sonder ete)
-  **28 JULIE**
met betaling

Uitnodiging deur

Die Werkgemeenskap Historiese Teologie (SA)
in samewerking met die
Departement Sistematiese en Historiese Teologie
van die Universiteit van Pretoria

- Op 19 Junie 325 nC is die eerste weergawe van die **Geloofsbelydenis van Nicea** amptelik aanvaar tydens die Konsilie van Nicea. Wêreldwyd vier kerke vanjaar hierdie gebeurtenis van 1 700 jaar gelede. Die Hervormde Teologiese Kollege het 'n **inligtingsblad** geskep oor Nicea wat gemeentes kan help om op hul eie manier Nicea te herdenk. Klik [hier](#) vir die inligtingsblad. Dit is 'n dinamiese blad en word gereeld bygewerk met nuwe inligting. Hou die gereelde-advertensie in *Blitspos* dop om op hoogte te bly.



Die inligtingsblad **Nicea – 1 700 jaar later** bied 'n omvattende oorsig van die geskiedenis, betekenis en teologiese impak van die Geloofsbelydenis van Nicea. Besoekers kan insigte verkry oor die oorsprong van die belydenis tydens die Konsilie van Nicea in 325 nC, die rol van Arius en die teologiese konflik rondom die Godheid van Christus, asook die latere bevestiging van die belydenis in 381 nC by die Konsilie van Konstantinopel.

Die blad bevat ook die volledige teks van die Geloofsbelydenis van Nicea, 'n inskrywingsblad vir verdere betrokkenheid, en afdelings oor sistematiese teologie en kerkvergaderings wat die konteks en invloed van hierdie historiese gebeurtenis verder vir laerskole, hoërskole, kerkrade, predikante en konferensies uitlig. Daar is ook videos, akademiese en ander publikasies, sosiale media plasings en 'n tydlyn beskikbaar.

Besoek die Nicea-inligtingsblad [hier](#)

Barmhartigheid



12 Augustus 2025
Silver Lakes Golfbaan
TEN BATE VAN KINDERBESKERMING

- Skryf 'n vierbal in vir R5 200
2 gholfkaretjies, halfwegete en aandete ingesluit
- Borg 'n putjie vir slegs R2 200 – middagetes ingesluit
Vierbal plus putjiegorg vir slegs R6 800

DRIVE FOR A CHILD 064 437 5997 info@rata.org.za www.driveforachild.co.za

- Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

- Eenslaapkamer: R515 000
- 1½-slaapkamer: R520 000
- Tweeslaapkamer: R560 000

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
- Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is

fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.

- **Athalia Uitreik in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbriëf

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbriëf geplaas word. (Tekskennisgewings van gemeentes is gratis.) Indien 'n jpg-weergawe van die advertensie voorsien word, moet dit **15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week

Almagtige Skepper-Vader

U is die gewer van lewe en oorvloed. U alleen kan die ewige dors in 'n mensekind stilmaak. Ons word dikwels oorweldig en beïndruk deur tekens van u almag, terwyl ons self van dors vergaan omdat ons nie u volheid vir onself toe-eien nie. Daarom bid ek dat U my asseblief met Uself sal vul. Laat strome van lewende water deur my binneste vloei.

Amen.

(Uit: *Briewe aan God*. Lizette Murray. 2018)